

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA TANO**

**KIKAO CHA KUMI NA NNE**

23 APRILI, 2019



## ORODHA YA SHUGHULI ZA LEO

### MKUTANO WA KUMI NA TANO


KIKAO CHA KUMI NA NNE – TAREHE 23 APRILI, 2019

I. DUA:

II. HATI ZA KUWASILISHA MEZANI:

WAZIRI WA MAMBO YA NDANI YA NCHI:

Randama za Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha 2019/2020.



III. MASWALI:



OFISI YA RAIS (TAMISEMI):

112. MHESHIMIWA ALBERT OBAMA NTABALIBA (BUHIGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Walimu wa Hesabu na Sayansi ni changamoto kubwa ndani ya Wilaya ya Buhigwe:-

(a) Je, ni lini Serikali itapeleka Walimu katika Wilaya hiyo na waliopo sasa ni wangapi;

(b) Je, ni lini Serikali itapeleka Vifaa vya Maabara katika Shule za Buhigwe.

**113. MHESHIMIWA PHILIPO AUGUSTINO MULUGO (SONGWE):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Makao Makuu ya Mkoa mpya wa Songwe yapo Mbozi na hakuna barabara ya kuunganisha Wilaya mpya ya Songwe kufika Mkoani hadi upitie Mbeya:-

Je, Serikali haioni haja ya kutengeneza barabara ya mkato toka Songwe kupitia Kata ya Magamba kwenda Mbozi Makao Makuu ya Mkoa ili kuwarahisishia usafiri Wananchi wa Wilaya ya Songwe.

## **WIZARA YA FEDHA NA MIPANGO:**

### **114. MHESHIMIWA UPENDO FURAHA PENEZA (VITI MAALUM):**

Atamuuliza Mheshimiwa Waziri wa Fedha na Mipango:-

Je, katika mwaka 2016/2017 na 2017/2018 Serikali ilikusanya kiasi gani cha kodi ya 18% (VAT) kwa taulo za kike (*sanitary pads*) zote zilizotengenezwa nchini na zile zilizolingizwa nchini kabla ya kodi hiyo kuondolewa.

## **WIZARA YA UJENZI, UCHUKUZI NA MAWASILIANO:**

### **115. MHESHIMIWA MOSHI SELEMANI KAKOSO (MPANDA VIJIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Vijiji vya Kapanga, Katuma, Simbwesa, Kasekese, Kungwi na Kabage havina mawasiliano ya simu:-

Je, ni lini Serikali itapekeleka huduma ya mawasiliano ya simu.

**116. MHESHIMIWA DKT. SHUKURU JUMANNE KAWAMBWA (BAGAMOYO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa barabara ya Makofia – Mlandizi – Vikumburu kwa lami ni ahadi ya Ilani ya CCM tangu mwaka 2010 upembuzi yakinifu na usanifu wa barabara hiyo umekamilika:-

Je, ni lini ujenzi wa barabara hiyo utanza.

**117. MHESHIMIWA ANNA JORAM GIDARYA (VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Jimbo la Babati Vijijini linakabiliwa na changamoto ya muda mrefu ya huduma ya mawasiliano ya simu hasa katika Vijiji vya Yorotonik, Endagwe, Hoshan na Endakiso ambako hakuna kabisa minara ya mawasiliano ya simu:-

Je, ni lini Serikali itapeleka huduma hiyo katika maeneo ya Vijiji husika.

**WIZARA YA MAMBO YA NJE NA USHIRIKIANO  
WA AFRIKA MASHARIKI:**

**118. MHESHIMIWA ALLY SALEH ALLY  
(MALINDI):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Chuo cha Diplomasia kimekuwa na umuhimu mkubwa katika masuala ya kidiplomasia na uwakilishi wa Tanzania nje ya nchi:-

- (a) Je, Chuo hicho kimetoa Wahitimu wangapi na mgawanyiko wake ukoje hadi sasa;
- (b) Je, Wahitimu wangapi hadi sasa wamepanda na kuwa *Career Diplomats*;
- (c) Diplomasia inaenda sambamba na mawasiliano; Je, Serikali haijafikiria kuongeza lugha zinazofundishwa Chuoni hapo.

**WIZARA YA MADINI:**

**119. MHESHIMIWA PROSPER JOSEPH MBENA  
(MOROGORO KUSINI):**

Atamuuliza Mheshimiwa Waziri wa Madini:-

- (a) Je, ni lini Serikali itafanya utafiti wa uhakika katika Vijiji vyote vya Jimbo la Morogoro Kusini ili kubaini madini yaliyopo;
- (b) Je, Serikali itawasaidiaje Wachimbaji wadogo wa Rubi, Spinel na Dhahabu ili waweze kuzalisha zaidi na kupata masoko ya uhakika;
- (c) Je, ni lini Serikali itatuma Wataalam wa kuthibitisha wingi wa madini ya *Graphite* na Chokaa katika maeneo ya Jimbo la Morogoro Kusini ili mipango ya kuchimba iweze kuanza.

**WIZARA YA MAMBO YA NDANI YA NCHI:**

**120. MHESHIMIWA ROSE CYPRIAN TWEVE  
(VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Imekuwa ni kawaida sasa kwa Askari wa Usalama barabarani kusimamisha magari ya usafiri wa umma kama vile daladala na mabasi n.k:-

Je, ni lini Serikali itaandaa utaratibu wa kuwa na Vituo maalum vya ukaguzi huo ili kuokoa muda wa Wasafiri.

## **WIZARA YA NISHATI:**

### **121. MHESHIMIWA ZAINAB ATHUMAN KATIMBA (VITI MAALUM):**

Atamuuliza Mheshimiwa Waziri wa Nishati:-  
Serikali ina mpango wa kufikia uzalishaji wa  
zaidi ya MW 5000 za umeme ifikapo 2020:-

Je, ni mkakati gani umewekwa ili kufikia lengo  
hilo.

#### **IV. HOJA ZA SERIKALI:**

#### **WAZIRI WA HABARI, UTAMADUNI, SANAA NA MICHEZO:**

Kwamba, Bunge sasa likubali kupitisha Makadirio ya  
Mapato na Matumizi ya Wizara ya Habari, Utamaduni,  
Sanaa na Michezo kwa Mwaka wa Fedha 2019/2020.

*(Majadiliano yanaendelea)*

**DODOMA  
23 APRILI, 2019**

**S. KAGAIGAI  
KATIBU WA BUNGE**